



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Spes & Fiducia, Cuius Iudicisqve Dei, Erga Homines In Hac
Vita Existentes, Firmata**

Stengel, Georg

[S.l.], 1645

§. 1. Nec nihil, nec omnia curare homines debere.

[urn:nbn:de:hbz:466:1-49823](https://nbn-resolving.org/urn:nbn:de:hbz:466:1-49823)



SPES ET FIDUCIA,
 CURIS IUDICIISQUE DEI,
 ERGA HOMINES
 IN HAC VITA EXISTENTES,
 FIRMATÆ.

CAPVT I.

*Aliunde maximè relictos, à Deo maximè
 curari, ostenditur exemplis veteris
 Testamenti.*

§. I.

*Nec nihil, nec omnia curare homines
 debere.*



Raculi suffragio sapientissimus
 Socrates solebat dicere: *Si quid
 cura potest, illud cures: at si Deus
 ipse te curat, cur tu sollicitus tibi sis?*

Maxe
 serm.
 de Pro-
 uid.

Duo monuit, ne negligentes simus, vbi De-
 us nos vult, labore nostro aliquid emere; &
 ne, vbi opera nostra inutilis est, diffidamus
 Deo nos curanti. Ob primum, ait S. Augu-
 stinus: *Cum viderimus, aliquem seruum Dei
 prouidere, ne ista necessaria sibi desint, non in-*

S. Aug.
 lib. de

A

dice-

ferm. Do-
mini in
monte.

dicemus, eum de crastino sollicitum esse: nam & ipse Dominus, propter exemplum, loculos habere dignatus est: & in Actibus Apostolorum scriptum est: Ea quæ ad vitam sunt necessaria, procurata esse in futurum, propter imminentem famem. Ob secundum multa nobis paternæ suæ curæ exempla Dominus reliquit, quæ meritò possint spem fiduciâmq; nostrâ accendere.

§. II.

Auxilia etiam in alijs, spem in solo Deo ponendam.

Petr. Ri-
bad. in
vita S.
Ignat. l.
§. c. 9.

Et quanquam, ut in proverbio est, manus cum Deo mouendæ sunt, Sanctus tamen Ignatius noster egregiè docuit, semper pluri faciendam Dei opem, quàm omnia mortalium auxilia. Adijt aliquando Ignatius ad salutandum Principem virū nostri studiosum, à quo minùs officiosè, quàm par erat, exceptus est. Causam Ignatius arbitratus est, quòd minùs eius opera, ad res Societatis, atq; patrocinio vteretur. Erat enim, aut videri volebat Societatis nostræ percupidus, molesteq; forsitan ferebat, quòd alios, ad nostram defensionem, se prætermisso, potiùs adhiberemus. Tunc Ignatius mihi, Dicam, (inquit) illi, & aperte dicam, me ante 30. annos à Deo didicisse, ut in ijs effici-